



## Forum Ecclesiasticum

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Quæst. 440. Num aliis quàm subditis concedi possint privilegia.

---

[urn:nbn:de:hbz:466:1-73982](#)

potest abrogare, per Sylv. v. *privilegium*, q. 2. Suar. de LL. L. 8. c. 8. n. 2. Pith. b. t. n. 9. Lauterb. ad ff. de Conf. Princip. §. 39. cum Gl. communiter recepta in can. quod autem. 25. q. 2. & communis AA. Idem est de privilegio minus strictè accepto, pro gratia & beneficio præter seu ultra jus, quia & illud solus concedere potest, qui est supra jus, & qui in eo limites ponere, & præter illud operari potest; unde potestates publicæ tam sacerdotes, quam ecclesiasticae tantum in rebus iis privilegia concedere possunt, de quibus disponere, & legem ferre queunt. Pith. l. c. cum itidem communis. Sic Papa extra suam ditionem temporalem per se adiectè tantum in spiritualibus, & quæ illis annexa, ut sunt decimæ, contractus matrimoniales &c. Prælati verò inferiores Papæ concedere possunt privilegia eximentia à legibus à se aut suo antecessore conditis, ut & in rebus ad se pertinentibus, quæ sunt præter & contra jus commune Pontificium, privilegia concedere possunt; in jure enim canonico communi dispensare nequeunt, nisi quatenus id eis de jure vel consuetudine concessum est, non est autem id eis concessum; ita cum Suar. cit. c. 8. n. 7. 9. 10. Pith. l. c. similiter Imperator, aliquique Principes supremi sacerdotes in temporalibus tantum privilegia dare possunt, inferiores verò Principes sacerdotes superiore in temporalibus recognoscentes, privilegia propriè talia concedere non possunt, nisi quatenus id iis specialiter à superiori Principe concessum. Suar. n. 11. Pith. l. c. qualis concessio tacita colligitur quoque ex eo, quod præsumitur ex diuturnis moribus, dum nimis inferior diu jure singulari alias sibi non competente usus fuerit, Imperatore vel Principe id sciente, & non contradicente. Lauterb. §. 41. Et hæc in genere, quod verò attinet modernum statum Imperii Romani, et si Imperator inconsultis & ignorantibus Imperii statibus extra comitia concedere possit privilegia, & nonnullas personas & causas universalium legum vinculo solvere & eximere, ut Carpz. de L. Reg. c. 8. n. 8. Paarmeister de Juri. Imp. Rom. L. 1. c. 4. n. 6. quos citat & sequitur Lauterb. ad ff. de Constitut. Princip. §. 40. juxta quod quotidianâ constat experientia, modò tamen talia privilegia non tendant in magnum Imperii detrimentum, aut non pertinent ad Jura Statibus cum Imperatore communia, maximè in comitiis peragenda, in quibus necessarium esse consensum Statuum, docet Carpz. cit. ir. c. 13. f. 8. n. 15. ipsoquinque à pluribus observatum esse, refert Lauterb. l. c. Quin &, quod Principes & Status Imperii ad exemplum Imperatoris habeant jus & potestatem privilegia & immunitates concedendi in suis districtibus vi superioritatis territorialis, carere omni dubio, afferit idem citatis pro hoc Mevio ad Jus Lubec. q. I. prælim. num. 39. Myler. de Princip. & Statib. Imp. Rom. p. 2. c. 46. n. 1. &c.

*Quæst. 439. Quid & quotuplex sit confirmatio & innovatio privilegii?*

R Esp. Nihil est aliud, quam privilegi jam annullatum habiti corroboratio, quæ sit duplicita-

ter, nimis vel in forma communis, seu ordinaria, vel in forma speciali, seu ex certa scientia. Prior est, quæ jus seu privilegium, prout hic & nunc reperitur, relinquitur in suo statu ab illo, qui concius illius tollere vel mutare posset, sive validum sit, sive invalidum, cum jus nullum novum tribuat, neque, si prius invalidum, revalidet, Confirmatio in forma speciali est, dum superior, qui primò illud concedere poterat, perspecta rei natura, & consideratis considerandis circumstantiis positivè in suo robore permanere jubet, vel, si per non-usum, vel usum contrarium amisum, aut à jure communi, vel ab homine, & per constitutionem in corpore juris communis non clausum revocatum, revalidat; æquivaler siquidem talis confirmatio nova concessione, & supplet omnes defectus, qui suppleri possunt, ac solent, estque in re & effectu nova concessio. Porro circa confirmationes privilegiorum illud notandum, quod, si in una Bulla confirmatoria minus quam in alia, quæ confirmatur, ponatur, & aliqua privilegia aut favores in una Bulla non confirmantur, per hoc omissa non ceperantur revocata, sed relinquuntur in suo vigore, quem hic & nunc habent, & consequenter plenè valeant, si posteriore aliqua Constitutione revocata non sint, aut Decretis Trid. non adversentur. Reiffenstein. b. t. n. 59.

*Quæst. 440. Num aliis quam subditis privilegia concedi possint?*

R Esp. Non solum verò & absolute subditis suis Princeps concedere potest privilegia, sed etiam exercis & non-subditis, si privilegia sunt facultatis concessiva, & merita gratia, solumque præter legem, & in materia subiecta jurisdictioni Principis, non verò, si sunt facultatis dispensativa, & contra jus; ita Suar. de LL. L. 8. c. 9. à num. 2. Gastrop. tr. 3. d. 4. p. 4. num. 2. Pith. b. t. num. 10. Ego L. 1. q. 110. num. 2. Ratio prioris est, quod collatio talis privilegii præter jus non supponat in concedente jurisdictionem, sed est actus merita liberalitatis, nec privilegium ipsum continet vim coactivam privilegiati, nec vim illius directivam, quia non obligat illum ad culpam aut paenam, cum is rem sibi indultam pro libitu potest omittere, adéoque nullam subiectiōem infert privilegiati respectu concedentis privilegium, nec hujus superioritatem respectu ejusdem. Sic Princeps in suo territorio tribuere potest potestatem conscribendi militem externo, venandi, exportandi arma, importandi merces alias suis subditis prohibitas, & immunitatem à solvendis vexigalibus; cum hæc omnia substante eius jurisdictioni, unde horum omnium privilegiorum capax est non-subditus illius, non secus ac cuiusvis donationis sibi factæ ab eo; Ratio prioris est, quod privilegium contra jus sit privilegium facultatis dispensativa, quam erga non subditi, utpote non obligatum ejus legibus, exercere nequit.

CAPUT